

SESIÓN EXTRAORDINARIA DO CONCELLO PLENO
11/XUÑO/2002

SUMARIO

- 1.- NOMEAMENTO DE REPRESENTANTE MUNICIPAL NA ASAMBLEA XERAL DE CAIXANOVA
- 2.- NOMEAMENTO DE VOCAL DO CONSELLO DE ADMINISTRACIÓN DA AUTORIDADE PORTUARIA DE VIGO.
- 3.- SOLICITUDE DE CREACIÓN DUNHA AXENCIA DE LECTURA MUNICIPAL.
- 4.- MOCIÓN DO B.N.G. SOBRE A REFORMA DO SISTEMA DE PROTECCIÓN POR DESEMPREGO.

Na Casa do Concello de Redondela, sendo as vinte horas do día **once de xuño do ano dous mil dous**, baixo a Presidencia do Sr. Alcalde, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, , D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMIN PINTOS FERNANDEZ, D. PABLO REBANAL ALFAYA, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ROSA COSTAS ESTÉVEZ , actuando como Secretaria D^a Ana Isabel del Cerro del Río, Secretaria da Corporación, constitúese o Pleno do Concello, en sesión extraordinaria, conforme á convocatoria e de acordo coa Orde do día.

Non asiste DONA AURORA ALONSO MONTEAGUDO.

1.-NOMEAMENTO DE REPRESENTANTE MUNICIPAL NA ASAMBLEA XERAL DE CAIXANOVA

Este punto foi retirado da orde do día.



NUMERADO
ORACIÓNS
LOCAIS

Serie A N.º 1176132

2.-NOMEAMENTO DE VOCAL DO CONSELLO DE ADMINISTRACIÓN DA AUTORIDADE PORTUARIA DE VIGO.

ANTECEDENTES

Proposta do Concelleiro de Urbanismo que literalmente transcrita dí:

"Visto o escrito do Presidente de Portos de Galicia da Consellería de Política Territorial, Obras Públicas e Vivenda, da Xunta de Galicia, de data 28 de maio dos presentes, recibido neste Concello baixo número de rexistro 4085 de data 4 de xuño de 2002, manifestando que:

Considerando que, os membros do Consello de Administración desa Autoridade Portuaria foron nomeados por un período de 4 anos, segundo Orde da Consellería de Política Territorial, Obras Públicas e Vivenda de 23 de xuño de 1998 , Diario Oficial de Galicia núm. 121 de 25 de xuño de 1998, polo que é preciso proceder á súa renovación.

Na súa virtude, o Concelleiro Delegado de Urbanismo, propón:

O nomeamento a favor de D. Xaime Rei Barreiro, Alcalde_Presidente do Concello de Redondela, que xa ocupa o cargo na actualidade.

VOTACIÓN E ACORDO:

O Concello Pleno, por unanimidade de todos os seus membros presentes: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA Mª DEL PILAR MARTÍNEZ GONZÁLEZ, DONA Mª DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA Mª. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMIN PINTOS FERNANDEZ, D. PABLO REBANAL ALFAYA, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE, DONA ROSA COSTAS ESTÉVEZ, e mailo Sr. ALCALDE, **acorda** prestarlle a súa aprobación a proposta anteriormente transcrita.

3.-SOLICITUDE DE CREACIÓN DUNHA AXENCIA DE LECTURA MUNICIPAL.

ANTECEDENTES

Dictame emitido en sentido favorable pola Comisión Informativa de Cultura, de data 2 de maio de 2002, na proposta que literalmente transcrita dí:

"O Decreto 41/2001 de 1 de febreiro, sobre Refundición da Normativa en Materia de Bibliotecas, fai mención a que corresponde á Xunta de Galicia, de acordo co art. 27.18º do Estatuto de Autonomía de Galicia, a competencia exclusiva en materia de bibliotecas de interés para a Comunidade Autónoma que non sexa de titularidade

estatal.

Téndose previsto a creación, no edificio Multiusos de Chapela, dunha Axencia de Lectura Municipal, dependente tecnicamente da Biblioteca Municipal de Redondela, e sendo preceptiva a autorización da Consellería de Cultura da Xunta de Galicia (art. 31 do Decreto), que estará condicionada á firma dun convenio co Concello, este Concelleiro que suscribe ten a ben propoñer ó Concello Pleno a adopción do seguinte acordo:

Solicitar da Consellería de Cultura da Xunta de Galicia a creación dunha Axencia de Lectura Municipal, comprometéndose a facerse cargo dos gastos de persoal e do seu mantemento, así como de consignar o importe de ditos gastos nas correspondentes partidas presupostarias no orzamento deste Concello.

VOTACIÓN E ACORDO:

O Concello Pleno, por unanimidade de todos os seus membros presentes: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMIN PINTOS FERNANDEZ, D. PABLO REBANAL ALFAYA, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE, DONA ROSA COSTAS ESTÉVEZ e mailo Sr. ALCALDE, **acorda** prestarlle a súa aprobación á proposta antes transcrita.

4-MOCIÓN DO B.N.G. SOBRE A REFORMA DO SISTEMA DE PROTECCIÓN POR DESEMPREGO.

O voceiro do BNG defende a moción que se transcribe a continuación:

O Goberno Central ven de aprobar de xeito unilateral e, fronte ao rexeitamento unánime dos representantes sindicais dos traballadores e traballadoras, o Real Decreto-Lei 5/2002, de 24 de maio, de "medidas urxentes para a reforma do sistema de protección por desemprego e mellora da ocupabilidade".

Na mesma liña de reformas anteriores, nomeadamente a de marzo de 2001, o Decreto que o pasado venres aprobou o Consello de Ministros comprende un amplo catálogo de medidas que aprofundan, aínda mais, na desregulación do mercado de traballo e introduce recortes drásticos dos dereitos sociais dos traballadores e traballadoras.

O recorte das prestacións por desemprego decretado polo Goberno reviste distintas modalidades, entre elas, compre destacar:

1. A modificación do concepto de "emprego adecuado".
2. A supresión dos salários de tramitación no caso de despidos improcedentes.

Serie A N.º 1176133

3. A supresión da protección por desemprego para o emprego público subvencionado.
4. Transfire-se ás empresas dereitos de protección dos traballadores/as.
5. Dificulta-se extraordinariamente o acceso ao subsídío de desemprego dos emigrantes retornados.

O Goberno pretende completar o seu modelo laboral con esta reforma unilateral do seguro de desemprego, que sitúa as políticas de protección das persoas paradas nun nivel puramente asistencial, negando un dereito que se financia maioritariamente con cotizacións dos propios traballadores/as, culpabilizando aos parados/as da súa situación e obrigando ás persoas en desemprego a aceptar empregos precarios.

Fronte a esta concepción, compre por de manifesto que a proliferación dos contratos temporais de duración inferior a un ano - o 42% dos contratos de duración definida realizados en Galiza no ano 2001 foron de duración igual ou inferior a un mes - e das novas modalidades de contratos a tempo parcial, provoca que a maioría das persoas paradas non acade os mínimos que dan dereito ás prestacións por desemprego. De feito, a taxa de cobertura do desemprego en Galiza (48.5%) é 8 puntos inferior á media estatal (51.2%).

Ademais, os colectivos máis afectados polo paro son a mocidade e as mulleres, que na maioría dos casos son demandantes de primeiro emprego, e que, polo tanto, non teñen dereito a ningún tipo de prestacións.

Por todo isto o Grupo Municipal do BLOQUE NACIONALISTA GALEGO propón ao Pleno da Corporación a adopción dos seguintes acordos:

1. Instar ao Goberno Central a derogar o Real Decreto-Lei 5/2002, de 24 de maio, de medidas urxentes para a reforma do sistema de protección por desemprego e mellora da ocupabilidade.
2. Instar igualmente ao Goberno Central a retomar o diálogo social como única vía para elaborar, de xeito consensuado, todas as medidas que afecten á regulación do mercado de traballo.
3. Instar á Xunta de Galiza e ao Parlamento Galego a facer propio este acordo, e a dirixir-se ao Goberno Central nos mesmos termos.

INTERVENCIÓNS:

Inicia o debate Dº Manuel Conde que non comparte o contido da moción que non se axusta ó Decreto aprobado polo goberno, no que non se fala para nada de despido libre. Na negociación ten que haber cesión por ambas partes, o que non ten sucedido no presente caso cos sindicatos. Non se pode permitir que haxa desempregados cobrando o paro e non queiran traballar. Pide ó BNG que presente mocións que afecten directamente ós veciños deste Concello, as que se lle poidan dar solucións dende aquí, que non veñan teledirixidas.

Dº Emilio González considera que non se pode negar a importancia do tema a debate, que neste momento afecta a mil cincocentas persoas no Concello, e poden incrementarse no futuro. O 23 de maio pola noite o goberno declara que vai negociar, e o día 24 pola mañán aproba o decreto, co que demostra a súa falta de vontade negociadora. Estas medidas adóptanse ante situacións económicas graves, o que non coincide co momento actual, na que o INEM conta con superávit e as coberturas son moi baixas. O PP tacha ós parados de vagos e maleantes, o acudir a este tipo de expresión quere dicir que mal vai a cousa, e con isto amosan o comportamento do PP cando goberna. A moción non descalifica a ningún nin é ofensiva polo que pensou que o grupo popular ía apoia-la.

Dº Carlos Pazos non pode entender a postura de criminalizar as persoas que están no paro. Ademais o fraude existente no cobro das prestacións por desemprego é mínimo; nembargantes o goberno non incide cos fraudes noutros sectores nos que si existe un elevado fraude e perxudican gravemente á economía nacional, como por exemplo subvencións ó liño, e escándalos bancarios. A maiores, a cobertura en Galicia atópase oito puntos por debaixo da media, polo que a situación na nosa comunidade aínda é peor.

O decreto sinala que será o Inem o que calificará o emprego axeitado para o demandante de emprego. Medidas deste tipo afectarán a todo o mundo antes o despois. Resulta lóxico que os traballadores reclamen contra a continua perda de dereitos.

Crítica a incoherencia do PP solicitando ó BNG que traia propostas ó Pleno, o que supón esquecer que o BNG en Redondela goberna.

Don Manuel Conde di que dende que goberna o Partido Popular o paro baixou, e a cobertura social está nun nivel aceptable. Cando se fala de distancias, refírese a distancias axeitadas, como por exemplo Redondela-Vigo. Hai que distinguir entre os parados e os quietos, o decreto trata de dar solución ó problema do paro, e oporse os que pretenden vexetar.

Trátase de englobar o tema dentro de política xeral porque o importante é facer barullo e adoptar a postura revanchista de que todo vai mal.

Pídelle o BNG mocións que posibiliten adoptar acordos dentro do Concello, e non nas que se inste á Xunta ou ó Goberno central a adopción de medidas.

Dº Emilio González sorpréndese que o PP afirme que a cobertura social é aceptable, cando somos os segundos ou os terceiros empezando por abaixo.

En canto á distancia hai que medila en función do soldo. Por outra banda, o PP debería ter en conta a súa postura cando foi oposición, pois teñen apoiado ata tres folgas xerais neste país.

É certo que o paro baixou pero agora está medrando, e a cobertura do parado non é a do INEM, senón a familiar.

Rematou o debate Don Carlos Pazos afirmando que o voceiro popular debería absterse de realizar calquera comentario sobre as mocións do BNG, pois estás triplican ás presentadas polo seu grupo, que é a oposición municipal.

Serie A N.º 1176134

VOTACIÓN E ACORDO:

O Concello Pleno, con sete votos en contra : D. MANUEL RAMÓN CONDE ROMERO, D. EMILIO SÁNCHEZ SANTORIO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMIN PINTOS FERNANDEZ, D. PABLO REBANAL ALFAYA, e con 13 votos a favor: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA M^a. DEL CARMEN RODRÍGUEZ RIVAS, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE, DONA ROSA COSTAS ESTÉVEZ e maillo Sr. ALCALDE, por maioría de votos acorda prestarlle a súa aprobación a moción antes transcrita.

E, non habendo máis asuntos que tratar pola Presidencia dase por rematada a presente sesión sendo as vinte horas e trinta minutos da data indicada no encabezamento, en proba de todo o que se estende a presente acta, que se inscribiu no Libro dende a volta do folio cuarenta e catro o Papel Timbrado da Comunidade Autónoma de Galicia, Serie A nº 1176131, ata o folio cuarenta e sete, Serie A nº 1176134, de todo o que como Secretaría do presente acto, dou fe.

O Alcalde

A Secretaria

Asdo: Xaime Rei Barreiro

Asdo: Ana Isabel del Cerro del Río